

Hoofstuk 13

Andries Johannes van der Walt (c2)

(1781 – c. 1855)

Oriëntasie

Andries¹ is gebore in 1781 en was 73 jaar oud toe hy in 1855 oorlede is. Hy was 'n boer.

Die 19-jarige Andries trou in 1800 met die 14-jarige Anna² Vorster. Sy is gebore in 1786 en is oorlede in 1848 toe sy 62 jaar oud was. Hulle het agt kinders en vyftig kleinkinders gehad.

Andries trou weer op 68-jarige leeftyd met Gerbrecht³ Venter wat toe nagenoeg 59 jaar oud was. Sy is gebore omstreeks 1791 en word 69 jaar oud voordat sy oorlede is in 1860.

Genealogiese gegewens

c2 **VAN DER WALT, Andries Johannes**: *Renosterberg 28.8.1781⁴; ≈Kaapstad 28.7.1782⁵; †Middelburg KP Dist. Nooitgedagt 9.4.1855⁶; #Middelburg KP Dist. Nooitgedagt⁷.

x 9.11.1800⁸: **VORSTER, Anna Sophia**: *Graaff-Reinet Distrik, Sewefontein 27.5.1786⁹; ≈Tulbagh 15.10.1786¹⁰; †Middelburg KP Dist. Renosterberg Nooitgedagt 12.10.1848¹¹. Dogter van Barend Johannes VORSTER en Cecilia VAN HEERDEN.

xx 3.1.1850¹²: **VENTER, Gerbrecht Sophia**: *c. 1791¹³; ≈Graaff-Reinet 6.1.1793¹⁴; †Albert Dist. Bamboesberg 23.4.1860¹⁵. Dogter van Jacob VENTER en Martha Brechtje VENTER.

[Gerbrecht Sophia Venter was voorheen getroud:

x Graaff-Reinet 11.10.1807¹⁶: **DE KLERK, Willem Abraham**¹⁷: ≈21.12.1783¹⁸; †Colesberg Dist. Vink(el)fontein 17.12.1846¹⁹. Seun van Barend DE KLERK en Maria VAN DER HEYDEN.]

Jeug

Andries is gebore op 28 Augustus 1781 in die Wyk Renosterberg wat agtereenvolgens in die Distrikte Graaff-Reinet, Cradock, Colesberg en Middelburg KP was. Hy is gedoop te Kaapstad op 28 Julie 1782. Die doopgetuies was sy oom Johannes Petrus van der Walt en sy tante Alida Johanna Venter. Andries was die kleinkind van Gele Andriesz, die stamvader, en dit is waarskynlik dat hy na hom vernoem is.

In hierdie hoofstuk

Andries, Anna en Gerbrecht

Cecilia Maria – bl. 322

Nicolaas – bl. 324

Barend Johannes – bl. 326

Izak David – bl. 327

Andries Johannes – bl. 329

Barend Johannes – bl. 330

Roelof Jacobus – bl. 331

Gert Hendrik Jacobus – bl. 333

Andries Johannes ----- *De vader Nicolaas van der Wald op 28 Julij*
De moeder Maria Jacoba Coetzee
Getuigen Johannes Petrus
van der Wald
en Alida Johanna
Venter
Sorteerd onder Waveren

Inskrywing in die Doopregister van Kaapstad op 28 Julie 1782²⁰

"Andries Johannes De vader Nicolaas van der Wald De moeder Maria Jacoba Coetzee Getuigen Johannes Petrus van der Wald en Alida Johanna Venter Sorteerd onder Waveren Den 28 July"

Anna Sophia Vorster

Anna Vorster se handtekening


Hy trou op 9 November 1800 met Anna Sophia Vorster. Sy is gebore op 25 Mei 1786 op die plaas Sewefontein in die Distrik Graaff-Reinet. Sy is gedoop in Tulbagh op 15 Oktober 1786. Die doopgetuies was Paul Hugo en Rachel Johanna Pretorius.

Woonplekke

Voor sy huwelik in 1800 woon Andries nog by sy pa Nicolaas²¹ (Dit is moontlik dat die egpaar na die eerste huwelik nog vir 'n tydperk by Nicolaas van der Walt gewoon het.) In 1811 is daar 'n verwysing na die leningsplaas Nooitgedagt in die opgaafrol vir daardie jaar. In 1848 is Andries se eerste vrou op Nooitgedagt oorlede. In 1855 is Andries daar oorlede en begrawe. Dit wil voorkom dat Nooitgedagt Andries se woonplaas was.

Eiendom

Kaart nr. 83: Benaderde ligging van enkele plase van Andries



In die opgaafrolle vir 1811²² word aangegee dat Andries die twee leningsplase **De Kuijlen** en **Nooitgedagt** (nr. 25)²³ in die Wyk Renosterberg besit.

In 1821 word in die opgaafrolle²⁴ aangedui dat hy die plase **De Kuijlen**, **Nooddrift** en **Van Vuurenskraal** (nr. 84)²⁵ in die Wyk Renosterberg besit.

In 'n testament²⁶ van Andries en sy tweede vrou, Gerbrecht word verwys na die plaas **Beestekuil** (nr. 30)²⁷ wat bemaak word aan sy jongste seun Gert Hendrik Jacobus van der Walt.

Die gegewens wat in die opgaafrolle voorkom en hieronder verstrek word, verskaf 'n beeld van Andries se boerdery tussen 1800 en 1821. Volgens die gegewens was hy hoofsaaklik 'n veeboer en het sy boerdery deurlopend gegroei totdat dit 'n heel groot boerdery was.

Opgaafrolle van Andries Johannes van der Walt					
Jaar		1800 ²⁸	1802/04 ²⁹	1811 ³⁰	1821 ³¹
Distrik		Graaf-Rein.@	Graaf-Rein.\$	Graaf-Rein.#	Cradock&
Gesin	Mans	1	1	1	1
	Vroue		1	1	1
	Seuns		1	4	4
	Dogters		1	1	
Werkers	Manlik	4	6	3	4
	Vroulik		5	3	4
Slawe	Manlik				2
	Vroulik				3
Vee	Perde	8	13	27	56
	Beeste	61	148	237	364
	Skape	571	1198	2715	3493
	Bokke		40	225	350
Gesaaides	Gesaaï		1		2
Tarwe (Mud)	Gewen		26		50
Gesaaides	Gesaaï				
Koring (Mud)	Gewen				
Gesaaides	Gesaaï		1		
Gars (Mud)	Gewen		29		
Vervoer	Wa		1	2	3

Notas: Dit kom voor asof die rolle nie altyd ewe volledig en betroubaar is nie.

@ = Woon by Nicolaas van der Walt

\$ = Wyk Agter-Renosterberg

= Wyk Renosterberg. Leningsplase De Kuijlen en Nooitgedagt

& = Wyk Renosterberg. Plase: De Kuijlen, Nooddrift en Van Vuurenskraal.

Daar is ook 2600 wynstokke opgegee.

Kerk

Die kerk te Graaff-Reinet is in 1792 gestig en die gemeente in Cradock in 1818. Volgens die dope van Andries en Anna se kinders was hulle verbintenis met die Kerk te Graaff-Reinet. Hulle laaste kind is te Cradock gedoop.

Die gesin

Andries en Anna het tussen 1801 en 1821 agt kinders gehad, naamlik:

- Cecilia Maria, getroud met Johannes Hendrik Snyman. Sy was die enigste dogter in die gesin.
- Nicolaas, getroud met Lasya Francina Vorster.
- Barend Johannes wat vroeg oorlede is.
- Izak David, getroud met Hester Sophia Vorster.
- Andries Johannes wat vyf keer getroud was.
- Barend Johannes, getroud met Hester Jacoba Kruger.
- Roelof Jacobus, agtereenvolgens getroud met Hester Lasya Elizabeth Duvenhage en Anna Engela Catharina Kruger.
- Gert Hendrik Jacobus van der Walt, agtereenvolgens getroud met Louisa Maria van Tonder, Maria Myburgh en Jannetje Maria Elizabeth van Wyk.

Twee kinders uit die gesin het na die Transgariëp, soos die huidige Vrystaat bekend was, getrek, naamlik Izak en Roelof. Hulle was blykbaar deel van die ongeordende trek oor die Oranjerivier (Gariëp).

Laaste lewensjare



Andries se handtekening

Op 12 Oktober 1848 is Anna oorlede op hul plaas Nooitgedagt. Sy was 61 jaar oud en amper 48 jaar getroud met Andries. Teen haar dood was haar dogter Cecilia Maria reeds oorlede. Die boedel wat na Anna se dood beredder is, en waarvan die helfte plus 'n kindsdeel Andries toegeval het, was £4237.2.0 groot³².




Handtekening van Gerbrecht Venter

Op 3 Januarie 1850 trou Andries met Gerbrecht Sophia Venter. Sy is gebore omstreeks 1791 en is gedoop te Graaff-Reinet op 6 Januarie 1793. Sy was die weduwee van Willem Abraham de Klerk wat in 1846 oorlede is.

Op 9 April 1855 is Andries op sy plaas Nooitgedagt oorlede en daar begrawe. Hy was 73 jaar oud. Sy tweede vrou oorleef hom.

Gerebrecht is op 23 April 1860 oorlede op die plaas Bamboesberg in die Distrik Albert. Sy was 69 jaar oud en vyf jaar getroud met Andries.



Teebus en Koffiebus by Van Vuurenskraal


Die Trekboere in die Transgariëp³³

As gevolg van droogtes, sprinkaanplae en die gebrek aan weiveld, het van die boere in die omgewing van die Kaapkolonie se noordgrens van tyd tot tyd uitgewyk na die gebied oorkant die Oranjerivier. Hierdie beweging het reeds in die twintigerjare van die negentiende eeu begin. Dit het geleidelik uitgebrei en mettertyd het van die boere hulle in die Transgariëp (Vrystaat) gevestig, waar hulle grond van die Griekwas verkry het. Teen 1832 was daar geskat dat daar nagenoeg 200 gesinne (bestaande uit 'n beraamde 2000 persone) in die Transgariëp was.

Die boere het hulle gaandeweg tussen die Oranje- en Modderiviere gevestig. Hulle was oorwegend nog lojaal aan die Koloniale Regering in Kaapstad. Van die Trekboere het hulle by die Groot Trek aangesluit, maar die ander was nie so ernstig soos die Groot Trekkers om onder die Britse gesag uit te kom nie.

*Andries van der Walt en
Anna se kinders*

Cecilia Maria van der Walt (d1) (1801 – 1842)



Oriëntasie

Cecilia³⁴ is gebore in 1801 en was 40 jaar oud toe sy in 1842 oorlede is.

Die 14-jarige Cecilia trou in 1816 met die 20-jarige Johannes³⁵ Snyman. Hy is gebore in 1796 en is oorlede in 1865 toe hy 69 jaar oud was. Hulle het agt kinders gehad. Hy was 'n boer.

Johannes trou weer na Cecilia se dood met Susanna Viljoen.

Genealogiese gegewens


d1 **VAN DER WALT, Cecilia Maria**: *Graaff-Reinet Dist. Wyk Renosterberg 5.10.1801³⁶; ≈Graaff-Reinet 15.11.1801³⁷; †Colesberg Dist. Wyk Zuurberg, Rheeboksfontein 30.1.1842³⁸.

x Graaff-Reinet 4.8.1816³⁹: **SNYMAN, Johannes Hendrik**: *Graaff-Reinet 1.8.1796⁴⁰; ≈Graaff-Reinet 8.12.1796⁴¹; †Bethulie Dist. Vlakplaats 7.9.1865⁴². Seun van Phillippus SNYMAN en Anna Sophia VENTER.

[Johannes Hendrik Snyman trou weer:

xx c. 1843: **VILJOEN, Susanna Sophia Elizabeth**: *19.2.1824; †Dist. Bethulie Vlakplaats 1.11.1914⁴³. Dogter van Jan Hendrik VILJOEN en Gerharda Maria VAN WYK.]

Kaart nr. 84: Waarskynlike benaderde ligging van Rheeboksfontein



Lewensloop

Cecilia is gebore in die Wyk Renosterberg in die Distrik Graaff-Reinet op 5 Oktober 1801 as die oudste kind en enigste dogter van Andries van der Walt en Anna Sophia Vorster. Sy is gedoop te Graaff-Reinet. Sy is vernoem na haar ouma aan moederskant.

Sy trou op 4 Augustus 1816 te Graaff-Reinet met Johannes Hendrik Snyman. Hy is gebore in die Graaff-Reinet Distrik op 1 Augustus 1796. Hy is gedoop te Graaff-Reinet op 8 Desember 1796.

Cecilia en Johannes het op die plaas **Rheeboksfontein nr. 5**⁴⁴ in die Wyk Agter-Suurberg van die Distrik Graaff-Reinet gewoon⁴⁵. Die plaas was waarskynlik geleë naby die huidige Oviston⁴⁶ en noord van Venterstad. Later het Johannes en sy tweede vrou op Vlakplaats in die Fauresmith Distrik (ook aangedui as in die Distrik Bethulie) gewoon⁴⁷.

Cecilia en Johannes het agt kinders gehad, naamlik:

- Anna Sophia Snyman.
- Philippus Jacobus Snyman, getroud met sy niggie Anna Sophia van der Walt.
- Cecilia Maria Snyman, getroud met Petrus Jacobus Pretorius.
- Anna Sophia Johanna Snyman, getroud met Petrus Cornelius Jooste en daarna met Petrus Jacobus van der Walt.
- Andries Johannes Snyman.
- Maria Jacoba Snyman, getroud met Gert Hendrikus van der Walt.
- Maria Jacoba Snyman. (Sy het dieselfde name as haar ouer suster wat eers in 1908 oorlede is en dit is gevolglik onseker of daar so 'n kind was.)
- Johannes Hendrik Snyman, getroud met Cornelia Elizabeth van der Merwe. Dit was blykbaar sy tweede huwelik.

Cecilia is op 30 Januarie 1842 oorlede op die plaas Rheeboksfontein, Wyk Agter-Suurberg, Distrik Colesberg. Sy was 40 jaar oud toe sy sterf.

Johannes trou weer omstreeks 1843 met Susanna Sophia Elizabeth VILJOEN⁴⁸. Hulle het nege kinders gehad en Johannes het dus altesaam 17 kinders gehad.

Op 4 Junie 1859 is Johannes en sy tweede vrou ingeskryf as lidmate van die Gereformeerde Kerk Reddersburg, wat in daardie jaar gestig is⁴⁹. Susanna het later met attestasie vertrek na Bethulie.

Johannes sterf te Vlakplaats in die Bethulie/Fauresmith Distrik op 7 September 1865. Hy was 69 jaar oud en word oorleef deur sy tweede vrou wat op 1 November 1914 te Vlakplaats sterf.

Nicolaas van der Walt (d2) (1802 – 1855)



Oriëntasie

Nicolaas⁵⁰ is gebore in 1802 en was 52 jaar oud toe hy in 1855 oorlede is. Hy was 'n veeboer.

Hy was byna 18 jaar oud toe hy trou met Lasya Francina Vorster wat 14 jaar en 7 maande oud was. Lasya⁵¹ is gebore in 1806 en is oorlede in 1856 toe sy 50 jaar oud was. Hulle het 14 kinders gehad.

Genealogiese gegewens

d2 **VAN DER WALT, Nicolaas**: *Colesberg Dist. Wyk Renosterberg 27.12.1802⁵²; ≈Tulbagh 25.9.1803⁵³; †Cradock Dist. Vanvoorskraal 4.10.1855⁵⁴.

x Cradock 7.12.1820⁵⁵: **VORSTER, Lasya Francina**: *Graaff-Reinet Dist. 25.4.1806⁵⁶; ≈Graaff-Reinet 9.11.1806⁵⁷; †Cradock Dist. Vanvoorskraal 9.5.1856⁵⁸. Dogter van Izaak David VORSTER en Hendrina Francina KRUGER.

Lewensloop

Nicolaas is gebore in die Colesberg Distrik, Wyk Renosterberg op 27 Desember 1802. Hy is gedoop te Tulbagh op 27 September 1803. Die doopgetuies was sy grootouers aan vaderskant, Nicolaas van der Walt en Maria Jacoba Coetzee asook Andries Vorster en Johanna Margaretha van der Walt. Hy is blykbaar vernoem na sy opa aan vaderskant.

Hy trou op Cradock op 7 Desember 1820 met Lasya Francina Vorster. Sy is gebore in die Distrik Graaff-Reinet op 25 April 1806 en gedoop te Graaff-Reinet op 9 November 1806. Die doopgetuies was "Schalk Burger, ?? van Heerden, Hendrik Roelof Vorster, Lasija Christina Lessing".

Lasya se suster Hester Sophia Vorster was getroud met Nicolaas se jonger broer, Izak David.

Op 3 April 1842 maak Nicolaas en Lasya 'n testament te Brakrivier⁵⁹. In die testament word hulle plaas, beste wa met volledige toerusting en osse, 'n bed, een van die beste roers (geweers), 'n saal en twee ryperde bemaak aan die langslewende. Op 16 Desember 1848 word 'n testament te **Vanvoorskraal** gemaak en daarin word die langslewende as enigste erfgenaam aangedui⁶⁰.

Dit is nie duidelik waar "Vanvoorskraal" geleë was nie. Beide Nicolaas (1855) en Lasya (1856) is op Vanvoorskraal oorlede. Die bogemelde testament van 1848 is te Vanvoorskraal onderteken. Dit wil dus voorkom asof Vanvoorskraal vir 'n redelike tyd in hulle besit was en/of dat hulle daar gewoon het. Daar word nie in die reeks boekies *Bewaarders van ons Erfenis* 'n Vanvoorskraal⁶¹ geïdentifiseer nie, veral ook nie in die Wyke Brakrivier-oos en -wes nie. In die Wyk Brakrivier-oos van die Distrik Cradock word Van Vuurenskraal aangedui. Dit is nie 'n vreemde plaas in die Van der Walt-geledere nie. Hoewel hierdie Nicolaas nie as 'n eienaar van die plaas aangedui word nie, kan die moontlikheid nie uitgesluit word dat Vanvoorskraal in werklikheid Van Vuurenskraal was nie.

Dit kom voor, ook uit die dope van 'n paar van die kinders, dat Nicolaas en Lasya hoofsaaklik 'n verband met die Gradock-gemeente gehad het.

Nicolaas en Lasya het 14 kinders oor 'n tydperk van 29 jaar gehad, waarvan ses seuns was:

- Anna Sophia Cecilia, agtereenvolgens getroud met Johannes Hendrik van der Walt, Andries Jacobus van der Walt en Hendrik Johannes Jacob Kruger.
- Andries Johannes, getroud met Magdalena Johanna Vorster.
- Izak David, agtereenvolgens getroud met Anna Sophia Margaretha van der Walt en Catharina Margaretha Vorster.
- Nicolaas Pieter Willem, agtereenvolgens getroud met Anna Maria Susanna Vorster en Maria Elizabeth van der Walt.
- Hendrina Francina.
- Catharina Francina, getroud met haar neef, Izak David Johannes van der Walt.
- Lasya Francina Sophia, getroud met Stephanus Johannes van der Walt.
- Hester Maria Elizabeth, getroud met Izak David Vorster.
- Barend Johannes, getroud met Magdalena Geertruida Christina Pelser.
- Tjaart Johannes Hendrik.
- Johannes Hendrik Tjaart Jacobus, agtereenvolgens getroud met Cecilia Margaretha Vorster, Aletta Johanna Maria du Plessis, Lasya Wilhelmina Vorster en Maria Elizabeth Vorster.
- Cecilia Maria Magdalena, getroud met Tjaart Steyn Vorster.
- Nicolaas.
- Magdalena Johanna, getroud met Andries Jacobus Stephanus Lessing.

Nicolaas is op 4 Oktober 1855 te Vanvoorskraal oorlede. Sy weduwee, Lasya, is net sewe maande daarna ook op Vanvoorskraal oorlede op 9 Mei 1856. Haar boedel was £2214.6.0 groot⁶².

Barend Johannes van der Walt (d3)

(1804 – 1805)

Oriëntasie

Barend⁶³ is gebore in 1804 en is 'n jaar daarna oorlede in 1805.

Genealogiese gegewens

d3 VAN DER WALT, Barend Johannes: *30.7.1804⁶⁴; †29.7.1805⁶⁵.

Izak David van der Walt (d4) (1806 – 1874)

Oriëntasie

Izak⁶⁶ is gebore in 1806 en was 68 jaar oud toe hy in 1874 oorlede is. Hy was 'n veeboer en landbouer.

Die 18-jarige Izak trou in 1824 met Hester Sophia Vorster wat toe 14¼ jaar oud was. Sy is gebore in 1809 en is oorlede in 1876 toe sy 67 jaar oud was. Hulle het 10 kinders gehad.

Genealogiese gegewens

d4 **VAN DER WALT, Izak David**: *Graaff-Reinet Dist. 11.1.1806⁶⁷; ≈Graaff-Reinet 5.10.1806⁶⁸; †Philippolis Dist. Knapzakrivier Waaihoek 18.6.1874⁶⁹.


x Cradock 4.7.1824⁷⁰: **VORSTER, Hester Sophia**: *29.9.1809⁷¹; ≈Graaff-Reinet 3.12.1809⁷²; †Philippolis Dist. Knapzakrivier, Waaihoek 4.12.1876⁷³. Dogter van Izaak David VORSTER en Hendrina Francina KRUGER

Lewensloop

Izak is gebore in die Distrik Graaff-Reinet op 11 Januarie 1806 en is gedoop te Graaff-Reinet op 5 Oktober 1806. Die doopgetuies was "Isaak Vorster en Hendrina Kruger".



Hy trou op 4 Julie 1824 met Hester⁷⁴ Vorster. Sy is gebore op 29 September 1809 en is gedoop te Graaff-Reinet op die 3de Desember 1809. Die doopgetuies was "Andries Johannes van der Walt, Anna Sophia Vorster, Stephanus Roedolph Vorster, Maria Catharina Ouwkamp". Hester se suster Lasya Francina Vorster was getroud met Izak se ouer broer, Nicolaas.



Op 28 Januarie 1860 word Izak en Hester lidmate van die Gereformeerde Kerk Middelburg KP⁷⁵. Daar is 'n nota in die register dat hulle vertrek na Philippolis, maar 'n datum word nie aangedui nie. Hulle name verskyn op 18 November 1865 in die lidmaatregister van die Gereformeerde Kerk Bethulie⁷⁶.

Daar is rekord daarvan dat hulle die plaas **Henningsfontein** of 'n gedeelte daarvan besit het, blykbaar omstreeks 1850⁷⁷. Die

plaas was in die Wyk Renosterberg van die Distrik Colesberg en in die omgewing van die huidige Middelburg KP. Dit is dus moontlik dat die gesin tot omstreeks 1865 in die omgewing van Middelburg KP gewoon het en toe vertrek het na Philippolis, waar hulle binne die grense van die kerk te Bethulie ressorteer het.



In die Oranje-Vrystaat woon Andries en Hester op die plaas **Waaihoek** in die Wyk Knapzakrivier van die Distrik Philippolis. Daar is plase met die name Groot en Klein Waaihoek en dit is nie duidelik watter plaas aan hulle behoort het nie.


Izak en Hester het tien kinders gehad:

- Anna Sophia, getroud met haar neef Philippus Jacobus Snyman.
- Izak David Johannes, getroud met sy niggie, Catharina Francina van der Walt.
- Hendrina Francina wat heel waarskynlik vroeg oorlede is.
- Hendrina Francina, getroud met Sarel Jacob du Plessis.
- Maria Jacoba, getroud met haar neef, Andries Johannes van der Walt.
- Hester Sophia, getroud met haar neef, Andries Johannes van der Walt.
- Cecilia Maria Francina.
- Andries Johannes, agtereenvolgens getroud met Levina Catharina Susanna van der Walt, Hester Jacoba Vorster, Susanna Lasya Maria van der Walt, Anna Sophia Kruger en Anna Johanna Christina van der Walt.
- Nicolaas Hendrik, getroud met Anna Elizabeth Jacoba Pretorius.
- Catharina Sophia Francina, getroud met Gideon Pretorius.

Izak is op 18 Junie 1874 oorlede en Hester op die 4de Desember 1876

Andries Johannes van der Walt (d5)

(1807 – 1880)



Andries Johannes van der Walt
Erkenning GISA

Oriëntasie

Andries is gebore in 1807 en was 73 jaar oud toe hy in 1880 oorlede is. Hy was 'n boer.

Andries was vyf keer getroud, naamlik met Susanna Kruger, Martha van Tonder, Johanna Kruger, Anna Coetzee en Hester Venter. Hy oorleef al vyf vroue.

Nota:

Die storie van Andries en sy gesin verskyn in die volgende hoofstuk, waar die bronverwysings ook aangebring is.

Genealogiese gegewens

d5 **VAN DER WALT, Andries Johannes**: *Graaff-Reinet Dist. 22.8.1807; ≈Graaff-Reinet 18.4.1808; †Middelburg KP Dist. Nooitgedagt 29.11.1880.

x Cradock 4.10.1824: **KRUGER, Susanna Lasya**: *21.4.1808; ≈Graaff-Reinet 1.5.1808; †Grootvallei 20.12.1842. Dogter van Stephanus Johannes KRUGER en Sophia Margaretha STEENKAMP.

xx Colesberg 1.5.1843: **VAN TONDER, Martha Johanna Jacoba**: *Colesberg Dist. Wyk Agter-Suurberg 22.8.1828; ≈Colesberg 12.10.1828; †Colesberg Dist. Wyk Renosterberg Nooitgedagt 14.11.1844. Dogter en elfde kind van Johannes Jacobus VAN TONDER en Martha Jacoba VAN WYK.

xxx Colesberg 9.6.1845: **KRUGER, Johanna Francina Zacharia**: *Albert Dist. Wyk Zuurberg Roosterfontein 24.7.1827; ≈Cradock 26.12.1827; †Albert Dist. Roosterfontein 17.1.1854. Dogter van Pieter KRUGER en Francina Susanna Lasya KRUGER.

xxxx c. 1854: **COETZEE, Anna Elizabeth Jacoba**: *Middelburg KP Dist. Driefontein 24.8.1808; ≈4.12.1808; †Middelburg KP Dist. Nooitgedagt 24.2.1870. Dogter van Johannes COETZEE en Anna Elizabeth KRUGER.

[Anna Elizabeth Jacoba Coetzee was voorheen getroud:

x Graaff-Reinet 7.9.1828: **PRETORIUS, Petrus Jacobus**: *Graaff-Reinet Dist. 17.7.1797; ≈Graaff-Reinet 15.8.1794; †Venterstad Dist. Ezelsgat 23.5.1846. Seun van Petrus Jacobus PRETORIUS en Johanna Adriana PRETORIUS. Hy was drie keer getroud.]

xxxxx Middelburg KP GKSA 10.10.1870: **VENTER, Hester Hendrina Catharina**: *Cradock dist. 28.1.1826; †Middelburg KP Dist. Nooitgedagt 22.7.1878. Dogter van Andries VENTER en Martha STEYN.

[Hester Hendrina Catharina Venter was voorheen getroud:

x Cradock 8.1.1842: **VAN DER WALT, Nicolaas Tjaart**: *15.9.1811; †Cradock Dist. Middelwater 19.6.1863. Seun van Nicolaas Tjaart VAN DER WALT en Anna Sophia PRETORIUS. Dit was sy derde huwelik.]

Barend Johannes van der Walt (d6)

(1809 – 1837)



Oriëntasie

Barend⁷⁸ is gebore in 1809 en was 28 jaar oud toe hy in 1837 oorlede is. Hy was 'n veeboer. Toe hy bykans 22 jaar oud is, trou Barend in 1831 met die 29-jarige Hester Jacoba Kruger. Sy is gebore in 1801 en is oorlede in 1868 toe sy 67 jaar oud was. Hulle het vier kinders gehad.

Hester was eers getroud met Tjaart Steyn en na Barend se sterfte met Pieter Venter en Douw Gerbrandt Steyn.

Genealogiese gegewens

d6 **VAN DER WALT, Barend Johannes**: *Cradock Dist. Wyk Brakrivier 23.6.1809⁷⁹; ≈Graaff-Reinet 18.3.1810⁸⁰; †Cradock Dorp 24.12.1837⁸¹.

x Cradock 5.6.1831⁸²: **KRUGER, Hester Jacoba**: *9.8.1801⁸³; ≈Graaff-Reinet 10.11.1801⁸⁴; †17.12.1868⁸⁵. Dogter van Jacob KRUGER en Anna Elizabeth COETZEE.

[Hester Jacoba Kruger se huwelike verloop soos volg::

x Graaff-Reinet 15.11.1818⁸⁶: **STEYN, Tjaart** (b2c3d8e5f3): *9.12.1799; ≈6.4.1800. Seun van Douw Gerbrand STEYN en Alida Barendina VAN DER WALT⁸⁷.

xx Cradock 5.6.1831: **VAN DER WALT, Barend Johannes**, hierbo

xxx Colesberg 16.3.1840: **VENTER, Pieter**: *Cradock 10.11.1801; ≈Graaff-Reinet 10.11.1801; †Cradock Dist. Klipheuvel 8.10.1843⁸⁸.

xxxx **STEYN, Douw Gerbrandt**^{89 90}.]

Lewensloop

Barend is gebore op 23 Junie 1809 in die Wyk Brakrivier van die Distrik Cradock. Hy is gedoop te Graaff-Reinet op 18 Maart 1810. Die doopgetuies was "Willem Jacobus Vorster, Anna Kruger, Roelof Vorster, Willem Jacobus Vorster, Levina Catharina Steenkamp". Hy trou op 5 Junie 1831 met Hester⁹¹ Kruger. Sy is gebore op 5 Junie 1831. Sy is gedoop te Graaff-Reinet op 10 November 1801. Toe Barend en Hester getroud is, was sy die weduwee van Tjaart Steyn saam met wie sy 'n kind gehad het.

Teen 1834 woon Barend en Hester in die Somerset Distrik⁹². Volgens Barend se Sterfkennisgewing in 1837 besit hy 'n opgemete ewigdurende erfpagplaas, maar die naam van die plaas word nie verstrek nie⁹³. Barend en Hester het vier kinders gehad:

- Andries Johannes van der Walt, agtereenvolgens getroud met Maria Jacoba van der Walt en Hendrina Petronella Kruger.
- Jacob van der Walt, getroud met Johanna Maria Pretorius.
- Anna Sophia van der Walt, getroud met Tjaart Louis Petrus Kruger.
- Barend Johannes van der Walt, getroud met Geertruida Magdalena Pretorius en daarna met Margaretha Johanna Kruger.

Barend is op die jeugdige ouderdom van 28 jaar oorlede op Cradock (dorp) op 24 Desember 1837. Hester gaan nog twee huwelike aan en sterf op 17 Desember 1868.

Roelof Jacobus van der Walt (d7)

(1817 – 1880)

Oriëntasie

Roelof^{f94} is gebore in 1817 en was 63 jaar oud toe hy in 1880 oorlede is. Hy was 'n veeboer en landbouer.

Die 17-jarige Roelof trou in 1834 met die 16-jarige Hester⁹⁵ Duvenhage. Sy is gebore in 1818 en is oorlede in 1873 toe sy 55 jaar oud was. Hulle het vier kinders gehad.

Roelof trou na Hester se dood met Anna Engela Catharina Kruger. Sy is gebore in 1819 en word 61 jaar oud voordat sy oorlede is in 1880. Hulle het nie kinders gehad nie.

Genealogiese gegewens

d7 **VAN DER WALT, Roelof Jacobus**: *Middelburg KP Dist. Renosterberg 28.1.1817⁹⁶; ≈Cradock 28.9.1817⁹⁷; †Philippolis Dist. Donkerpoort 16.7.1880⁹⁸.

x Graaff-Reinet 23.3.1834⁹⁹: **DUVENHAGE, Hester Lasya Elizabeth**: *Graaff-Reinet Dist. Wolwekop 3.3.1818¹⁰⁰; ≈Graaff-Reinet 29.11.1818¹⁰¹; †Philippolis Dist. Donkerpoort 5.4.1873¹⁰². Dogter van Petrus Carolus DUVENHAGE en Anna Catharina VAN DER WALT.

xx **KRUGER, Anna Engela Catharina**: *24.4.1819¹⁰³; ≈Cradock 14.11.1819¹⁰⁴; †Philippolis Dist. Donkerpoort 22.6.1880¹⁰⁵. Dogter van Jacobus Cornelis KRUGER en Catharina Wilhelmina Levina STEENKAMP.

[Anna Engela Catharina Kruger was voorheen getroud:

x Colesberg Huwelikshof 7.1.1838: **KRUGER, Willem Jacobus**: *22.5.1808; ≈Graaff-Reinet 4.9.1808; †Bethulie Dist. Stinkfontein 15.3.1872¹⁰⁶]

Lewensloop

Roelof is gebore op 28 Januarie 1817 in die Wyk Renosterberg van die Distrik Middelburg KP. Hy is gedoop in Cradock op 28 September 1817. Die doopgetuies was "Stevanus Venter, ? Jacoba Coetzee, Roelof Vorster, Levina Catharina Steenkamp, Johannes Hendrik Snyman, Isabella Maria Levina van der Walt".

Hy trou op 23 Maart 1834 met Hester Duvenhage. Sy is gebore op 3 Maart 1818 op die plaas Wolwekop in die Distrik Graaff-Reinet. Sy is gedoop te Cradock op 14 November 1819. Die doopgetuies was "Nicolaas Venter, Alida Johanna Duvenagie, Hester van der Walt, Willem Jacobus van Heerden en Elisabeth Theron"¹⁰⁷.


Roelof trou na Hester se dood in 1873 met Anna¹⁰⁸ Kruger. Sy is gebore op 24 Maart 1819. Sy is gedoop te Cradock op 14 November 1819. Die doopgetuies was "Hendrik Kruger, Anna Catrina Steenkamp, Johannis Petrus Kruger, Martha Magdalena van der Walt". Anna was voorheen getroud met Willem Jacobus Kruger wat oorlede is in 1872.

Gegewens kon nie verkry word oor die plaas/plase waar Roelof en Hester in die Kaap gewoon het nie. Roelof se naam kom egter voor in die opgaafrolle vir die Wyk Renosterberg in die Distrik Graaff-Reinet vir 1836. Daarvolgens het hy 11 perde, 97 Beeste, 800 skape en 'n wa.¹⁰⁹ Hierdie gegewens dui daarop dat hulle in die Kaap in die omgewing van die huidige Middelburg en Steynsburg gewoon het.

In 1836 was Roelof nog in die Kaapprovinsie en is sy gegewens opgeneem in die bogenoemde opgaafrol. In 1859 kom die eerste verwysing na hom as synde in die Oranje-Vrystaat voor. Hulle moes hul dus tussen 1836 en 1859 in die Oranje-Vrystaat gevestig het.

In 1859 word die egpaar se woonplek as **Donkerpoort** in die Distrik Fauresmith aangegee. Daar is 'n plaas met die naam Donkerpoort suidwes van Trompsburg. Daar kon egter nie bo twyfel vasgestel word of dit die regte plaas is nie. Die plaas **Kuilfontein nr. 195**¹¹⁰ in die Philipstown Distrik word as hulle eiendom aangegee in 1859, gekoop teen £1050¹¹¹. **Beschuitfontein** (3000 morg) in die Bethulie Distrik word in 1860 gekoop vir £2625 (inskrywing in register baie dof)¹¹². Hierdie plaas het aan die Oranjerivier gegrens en is tans in geheel of gedeeltelik onder die Gariëpdam¹¹³. In 1873 en 1880 is die egpaar oorlede op Donkerpoort. Dit kom dus voor asof Donkerpoort die permanente verblyfplek was terwyl Kuilfontein en Beschuitfontein ook op 'n tyd in hulle besit was.


Kaart nr. 87: Benaderde ligging van Beschuitfontein



Roelof en Hester het vier kinders gehad:

- Petrus Carolus, agtereenvolgens getroud met Maria Jacoba van der Walt en Isabella Maria Roos.
- Andries Johannes, getroud met Johanna Maria van der Walt en daarna met Renske Margaretha du Plessis.
- Roelof Jacobus, getroud met Johanna Alida van der Walt en Elizabeth Christina Maria Johanna Buys.
- Gert Hendrik Jacobus, agtereenvolgens getroud met Hendrina Francina du Plessis en Sophia Catharina Venter.

Kaart nr. 88: Moontlike benaderde ligging van Donkerpoort en benaderde ligging van Kuilfontein.



Op 10 Mei 1859 word Roelof en Hester lidmate van die Gereformeerde Kerk Reddersburg¹¹⁴. Na die afstigting van die Gereformeerde Kerk Bethulie word hulle in 1865 lidmate van die gemeente¹¹⁵ en word aangedui dat hulle van Donkerpoort in die Philippolis Distrik is.

In 1873 is Hester oorlede op die plaas Donkerpoort wat toe in die Philippolis Distrik ressorteer. Roelof trou met Anna Kruger en hy is op 16 Julie 1880 ook op die plaas Donkerpoort oorlede. Anna is ook op Donkerpoort oorlede op 22 Junie 1880.

Gert Hendrik Jacobus van der Walt

(d8)

(1821 – 1896)

Oriëntasie

Gert¹¹⁶ is gebore in 1821 en was 75 jaar oud toe hy in 1896 oorlede is. Hy was 'n boer.

Die 16-jarige Gert trou in 1838 met die 15-jarige Louisa¹¹⁷ van Tonder. Sy is gebore in 1822 en is oorlede in 1867 toe sy 45 jaar oud was. Hulle het een kind gehad.

Gert trou 'n tweede keer en wel met Maria Myburgh. Sy is gebore omstreeks 1833 en word 43 jaar oud voordat sy oorlede is in 1876. Hulle het geen kinders gehad nie.

Gert trou 'n derde keer op 55-jarige leeftyd met Jannetje¹¹⁸ van Wyk wat toe 39 jaar oud was. Sy is gebore in 1838 en word bykans 87 jaar oud voordat sy oorlede is in 1924. Hulle het een kind gehad. Sy was voorheen getroud met Maartin Coetzee.

Genealogiese gegewens

d8 **VAN DER WALT, Gert Hendrik Jacobus**: *26.10.1821¹¹⁹; ≈Cradock 17.2.1822¹²⁰; †Middelburg Dist. KP Henningsfontein 31.12.1896¹²¹.

x Colesberg Huwelikshof 1.7.1838¹²²: **VAN TONDER, Louisa Maria**: *10.8.1822¹²³; ≈Cradock 7.10.1822¹²⁴; †Middelburg KP Dist. Nooitgedagt 10.9.1867¹²⁵. Dogter van Johannes Jacob VAN TONDER en Martha Jacoba VAN WYK.


xx **MYBURGH, Maria**: *Graaff-Reinet Dist. c. 1833¹²⁶; †Middelburg KP Dist. Komfontein 22.8.1876¹²⁷. Dogter van Hendrik MYBURGH en Renske Maria OLIVIER.

xxx Middelburg KP Dist. 22.1.1877¹²⁸: **VAN WYK, Jannetje (Janetta/Jeanetta) Maria Elizabeth**: *Cradock Dist. Sneeuberg Spitzkopvlei 18.3.1838¹²⁹; ≈Cradock 22.4.1838¹³⁰; †Middelburg Dist. KP Henningsfontein 25.12.1924¹³¹. Dogter van Gert Johannes VAN WYK en Helena Petronella VAN DER WALT.

[Jannetje Maria Elizabeth van Wyk was voorheen getroud:

x 16.1.1854 Middelburg KP Dist.: **COETZEE, Maartin**: *30.8.1836; ≈Graaff-Reinet 3.10.1836; †1.9.1872.]

Lewensloop




Gert is gebore op 26 Oktober 1821 en is gedoop te Cradock op 17 Februarie 1822. Die doopgetuies was "Gert Hendrik Jacobus Kruger, Anna Coetzee, Nicolaas van der Walt, Lasija Francina van der Walt".



Hy trou op 1 Julie 1838 met Louisa van Tonder. Sy is gebore op 10 Augustus 1822 en is gedoop te Cradock op 7 Oktober 1822. Die doopgetuies was "Lowies Johannes van Wyk, Levina Catharina Steenkamp, Nicolaas Kruger, Maria Elizabeth Buys".



Gert trou 'n tweede keer en wel met Maria Myburgh. Sy is omstreeks 1833 gebore in die Graaff-Reinet Distrik.



Gert se derde huwelik is met Jannetje van Wyk. Sy is op 18 Maart 1838 gebore op die plaas Spitzkop in die Wyk Sneeu-berg van die Distrik Cradock. Sy is gedoopte te Cradock op 22 April 1838. Die doopgetuies was "Schalk Willem Vorster, Jannetje Willemina Steenkamp, Casper Jan Hendrik Vorster, Aletta Cornelia Steyn".

Gert het twee kinders gehad:

- Martha Jacoba, getroud met Schalk Carel Willem Vorster. Gebore uit die eerste huwelik
- Gert Hendrik Jacobus wat getroud was met Hester Aletta Cornelia Kruger en daarna met Hester Sophia Vorster. Hierdie kind is in 1881 gebore en dit lyk nogal onwaarskynlik as in ag geneem word dat Gert reeds 60 jaar oud was. Dan word daar ook aangedui dat dit 'n kind uit die tweede huwelik is, terwyl Maria Myburgh reeds in 1876 oorlede is¹³². In die boedelrekening van Gert van 14.6.1897 word na hierdie kind as minderjarig verwys¹³³. Uit die Sterfkennisgewing van Janetta van Wyk (1924) blyk dit dat die kind uit die derde huwelik was en dat die kind toe mondig was en dat hy die Sterfkennisgewing onderteken as "Zoon van overledene"¹³⁴.

In die boedelrekening van Louisa van Tonder in 1867 word melding gemaak van die plase **Nooitgedagt, Tweefontein** en **Beestekuil**¹³⁵. Daar is ook 'n verwysing na die plaas **Tweefontein** in 'n testament op 3 Augustus 1857 deur Gert en Louisa van Tonder¹³⁶ en dat die langsewende die plaas erf. Toe Louisa in 1867 oorlede is, was die gesin se boedel £7079 groot.

In die boedelrekening van Gert, gedateer 14 Junie 1897, word na die plaas **Henningsfontein** verwys as bestaande uit gedeeltes van Henningsfontein en Zuurfontein. Daar word ook verwys na Erf nr. 4 in Middelburg¹³⁷. In 'n testament van Gert en Maria Myburgh van 4 Mei 1876 ? (skrif onduidelik) word verwys na die erf in Van der Waltstraat, Middelburg en die plaas Beestekuil¹³⁸. Met Gert se afsterwe was die boedel £1545 groot.

Die ligging van die plase Nooitgedagt, Beestekuil en Henningsfontein is reeds aangedui op die kaart by Gert se ouer broer Izak David (d4). Daar is twee plase met die naam Tweefontein in die Wyk Renosterberg, waar die reeds gemelde plase ook is. Die een is ietwat noord van Middelburg KP en die ander is ietwat suid. Dit is egter nie seker by watter een van die twee plase Gert 'n belang gehad het nie.

Dit kom uit die bovermelde voor asof Gert vir 'n tydperk op Tweefontein gewoon het en later op Henningsfontein. Die plase of gedeeltes van plase wat vir tydperke in Gert se besit was, was Nooitgedagt, Tweefontein, Beestekuil en Henningsfontein. Dan was Erf nr. 4 (Van der Waltstraat ?) in Middelburg KP ook in sy besit.

In Janetta van Wyk se testament van 4 Julie 1919 bepaal sy dat al haar eiendom verkoop moet word en die geld tussen haar Coetzee- en Van der Walt-kindere verdeel moet word. Toe Janetta in 1919 oorlede is, was daar, onder andere, in haar boedel 50 beeste, 406 merinoskape, 386 persiese skape, 30 boerbokke, 1 perd asook boerdery- en huisgereedskap¹³⁹.

Louisa van Tonder is op 10 September 1867 oorlede en Maria Myburgh op 22 Augustus 1876. Gert sterf op 31 Desember 1896 en word oorleef deur Janetta van Wyk wat op 25 Desember 1924 sterf.

- ¹ Noemnaam onbekend. Gebruik eerste naam.
- ² Noemnaam onbekend. Gebruik eerste naam.
- ³ Noemnaam onbekend. Gebruik eerste naam.
- ⁴ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Potchefstroom: Uitgewery Lochwalt. ISBN 0 62023 218 8. Bl. 451/711 en KAB MOOC 6/9/70 Verw. 3132.
- ⁵ TAB FK 2152. Daar is aangedui "Sorteerd onder Waveren".
- ⁶ KAB MOOC 6/9/70 Verw. 3132.
- ⁷ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 451/711.
- ⁸ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 451/711.
- ⁹ SAG 15. Bl. 127.
- ¹⁰ TAB FK 2199.
- ¹¹ KAB MOOC 6/9/46 Verw. 9776.
- ¹² SAG 14. Bl. 34.
- ¹³ Afgelei van sterfdatum en –ouderdom. Daarvolgens is sy gebore op 20 September 1791.
- ¹⁴ SAG 14. Bl. 34.
- ¹⁵ KAB MOOC 6/9/90 Verw. 6869.
- ¹⁶ SAG 14. Bl. 34.
- ¹⁷ SAG 4, Bl. 311 en SAG 14, Bl. 34 verstrek sy name as Willem Abraham. Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*, Bl. 451/711 en SAG 15, Bl. 483 verstrek sy name as Willem Adriaan.
- ¹⁸ SAG 14. Bl. 34.
- ¹⁹ SAG 14. Bl. 34.
- ²⁰ TAB FK 2152
- ²¹ KAB J 118.
- ²² KAB J 133.
- ²³ Madmappers DVD 1. Kaart 3125AC en AD. GEO (WGS84) –(25.28363092, -31.29282883) 31°17'34.18"S, 25°17'01.07"O. *Mapset: South Africa – AfricaTopo GPS topographic map series*. DVDs 1 en 2. Versprei deur Madmappers.
- ²⁴ KAB J 85.
- ²⁵ Madmappers DVD 1. Kaart 3125BC. GEO (WGS84) –(25.63698108, -31.35920990) 31°21'33.16"S, 25°38'13.13"O.
- ²⁶ KAB MOOC 7/1/223 Verw. 72.
- ²⁷ Madmappers DVD 1. Kaart 3125AD. GEO (WGS84) –(25.35661456, -31.31360134) 31°18'48.96"S, 25°21'23.81"O.
- ²⁸ KAB J 118.
- ²⁹ KAB J 122.
- ³⁰ KAB J 133.
- ³¹ KAB J 85.
- ³² KAB MOOC 13/1/135 Verw. 13.
- ³³ Van Schoor, M.C.E. 1950. *Politieke Groeperinge in die Transgariep*. Gepubliseer in Beyers, Dr. Coenraad (Red.). 1950. *Argiefjaarboek vir Suid-Afrikaanse Geskiedenis, 1950, Deel II*. Cape Times vir die Staatsdrukker. Ble. xiii tot xvii.
- ³⁴ Noemnaam onbekend. Gebruik eerste naam.
- ³⁵ Noemnaam onbekend. Gebruik eerste naam.
- ³⁶ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 451/711 en TAB FK 2215.
- ³⁷ TAB FK 2215.
- ³⁸ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 451/711.
- ³⁹ TAB FK 2226.
- ⁴⁰ TAB FK 2215.
- ⁴¹ TAB FK 2215.
- ⁴² SAG 11. Bl. 518.
- ⁴³ SAG 11. Bl. 518.
- ⁴⁴ Madmappers DVD 1. Kaart 3025DD. GEO (WGS84) –(25.84478860, -30.71288271) 30°42'46.38"S, 25°50'41.24"O.
- ⁴⁵ KAB MOOC 7/1/166 Verw. 108 en 109.
- ⁴⁶ Le Roux J. G., Niemandt J. J., Olivier, Mariana en Olivier, Ronel. 2008. *Bewaarders van ons Erfenis. Distrik Albert*. (Versprei deur die Genealogiese Instituut van Suid-Afrika.) Bl. 23. In die publikasies oor die plase in die vroeg negentiende eeu word 'n plaas Rheebocksfontein aangedui in die Wyk Suurberg van die destydse Distrik Colesberg. Cecilia se sterfte word ook aangedui as op die plaas in die Wyk Agter-Suurberg. Die plek soos op die kaart aangedui is die mees waarskynlike ligging vir die plaas. Daar is ook 'n plaas met dieselfde naam in die Wyk Agter-Renosterberg, maar dit is te ver verwyderd.
- ⁴⁷ GKSA Argief. Lidmateregister Reddersburg 3.1.2.
- ⁴⁸ VILJOEN, Susanna Sophia Elizabeth: *19.2.1824, †Vlakplaats, Dist. Bethulie 1.11.1914.
- ⁴⁹ GKSA Argief. Lidmateregister Reddersburg 3.1.2.

- ⁵⁰ Noemnaam onbekend. Gebruik eerste naam.
- ⁵¹ Noemnaam onbekend. Gebruik eerste naam.
- ⁵² Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 452/711 en KAB MOOC 6/9/72 Verw. 3440.
- ⁵³ TAB FK 2200.
- ⁵⁴ KAB MOOC 6/9/72 Verw. 3440.
- ⁵⁵ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 452/711.
- ⁵⁶ TAB FK 2216.
- ⁵⁷ TAB FK 2216.
- ⁵⁸ SAG 15. Bl. 123.
- ⁵⁹ KAB MOOC 7/1/225 Verwysing 78.
- ⁶⁰ KAB MOOC 7/1/225 Verwysing 77.
- ⁶¹ Die naam Vanvoorskraal kom ook nie in die lys van plaasname op die Hoof Landmeter-Generaal se webwerf voor nie.
- ⁶² KAB MOOC 13/1/250 Verwysing 73.
- ⁶³ Noemnaam onbekend. Gebruik eerste naam.
- ⁶⁴ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 477/711.
- ⁶⁵ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 477/711.
- ⁶⁶ Noemnaam onbekend. Gebruik eerste naam.
- ⁶⁷ TAB FK 2216.
- ⁶⁸ TAB FK 2216. Volgens Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 478/711 is die geboortedatum 11.1.1806. Die Vorster webwerf gee ook 11.1.1806. Doopregister kan ook gelees word as 4.1.1806.
- ⁶⁹ VAB MHG W 147.
- ⁷⁰ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 478/711.
- ⁷¹ TAB FK 2216.
- ⁷² TAB FK 2216.
- ⁷³ SAG 15. Bl. 123.
- ⁷⁴ Noemnaam onbekend. Gebruik eerste naam.
- ⁷⁵ GKSA Argief. Lidmateregister 1860 – 1877. Middelburg KP 3.1.1.
- ⁷⁶ GKSA Argief. Lidmateregister. Bethulie 3.1.1.
- ⁷⁷ Le Roux J. G., Niemandt J. J., Olivier, Mariana, Olivier, Ronel. *Bewaarders van Ons Erfenis. Colesberg*. (Versprei deur die Genealogiese Instituut van Suid-Afrika.) Bl. 39.
- ⁷⁸ Noemnaam onbekend. Gebruik eerste naam.
- ⁷⁹ TAB FK 2216 en KAB MOOC 6/9/12 Verw. 2618.
- ⁸⁰ TAB FK 2216.
- ⁸¹ KAB MOOC 6/9/12 Verw. 2618.
- ⁸² Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 518/711.
- ⁸³ Kruger, Barry. 2007. *Die Kruger-familie van Suider-Afrika*. Bl. 736.
- ⁸⁴ Kruger, Barry. 2007. *Die Kruger-familie van Suider-Afrika*. Bl. 736.
- ⁸⁵ KAB MOOC 13/1/246 Verw. 18.
- ⁸⁶ Kruger, Barry. 2007. *Die Kruger-familie van Suider-Afrika*. Bl. 898. Tjaart Steyn word getoon as getroud met die ongekoppelde Hester Jacoba Kruger, * 1800. Dit blyk dat die twee Hester Jacobas in werklikheid een persoon is. Dit word bevestig in die testament te KAB MOOC 7/1/175 Verw. 62 waar Hester Jacoba aangedui word as getroud met Pieter Venter en as die weduwee van Tjaart Steyn en Barend Johannes van der Walt.
- ⁸⁷ SAG 12. Bl. 214.
- ⁸⁸ Kruger, Barry. 2007. *Die Kruger-familie van Suider-Afrika*. Bl. 736 en 737.
- ⁸⁹ Kruger, Barry. 2007. *Die Kruger-familie van Suider-Afrika*. Bl. 736 en 737.
- ⁹⁰ KAB MOOC 13/1/372 Verw. 30 (Burgersdorp 17.1.1880) en KAB MOOC 13/1/373 Verw. 80 (Burgersdorp 1.5.1880) gaan oor die boedels van Hester Jacoba Kruger en Douw Gerbrand Steyn van die plaas Ezelsfontein in die Colesberg Distrik. Hierdie Douw Steyn kon egter nie opgespoor word in SAG 12 nie.
- ⁹¹ Noemnaam onbekend. Gebruik eerste naam.
- ⁹² KAB MOOC 7/1/144 Verw. 124.
- ⁹³ KAB MOOC 6/9/12 Verw. 2618.
- ⁹⁴ Noemnaam onbekend. Gebruik eerste naam.
- ⁹⁵ Noemnaam onbekend. Gebruik eerste naam.
- ⁹⁶ VAB MHG W230.
- ⁹⁷ TAB FK 2259.

- ⁹⁸ VAB MHG W230.
- ⁹⁹ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 533/711.
- ¹⁰⁰ TAB FK 2218.
- ¹⁰¹ TAB FK 2218. Daar word in ander bronne ander datums verstrek, maar hierdie is die datum soos in die Doopregister.
- ¹⁰² Van der Walt A. J. en Van Der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 533/711.
- ¹⁰³ TAB FK 2218.
- ¹⁰⁴ TAB FK 2218.
- ¹⁰⁵ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 533/711.
- ¹⁰⁶ Kruger, Barry. 2007. *Die Kruger-familie van Suider-Afrika*. Bl. 331.
- ¹⁰⁷ TAB FK 2218.
- ¹⁰⁸ Noemnaam onbekend. Gebruik eerste naam.
- ¹⁰⁹ KAB J 176.
- ¹¹⁰ Madmappers DVD 1. Kaart 3025BC. GEO (WGS84) –(25.72935444, -30.28822112) 30°17'17.60"S, 25°43'45.68"O. Daar is ook 'n Kuilfontein 1134 noordwes van hierdie een. Madmappers 3025 AB/BA. Die plaas is egter volgens die Landmeter-generaal se webwerf op 25 April 1950 saamgestel uit die restante van die plase Maagseer en Kaaimanskuil en dit kan dus nie die plaas wees wat hier ter sprake is nie.
- ¹¹¹ VAB AKT 2/1/1/31.
- ¹¹² VAB AKT 2/1/1/31.
- ¹¹³ VAB 2/90. Kaart van die Bethulie Distrik waarvolgens die ligging van Beschuitfontein bepaal is.
- ¹¹⁴ GKSA Argief. Lidmateregister Reddersburg 3.1.2.
- ¹¹⁵ GKSA Argief. Lidmateregister Bethulie 3.1.1
- ¹¹⁶ Noemnaam onbekend. Gebruik eerste naam.
- ¹¹⁷ Noemnaam onbekend. Gebruik eerste naam.
- ¹¹⁸ Noemnaam onbekend. Gebruik eerste naam.
- ¹¹⁹ TAB FK 2259.
- ¹²⁰ TAB FK 2259.
- ¹²¹ KAB MOOC 6/9/360 Verw. 190.
- ¹²² SAG 13. Bl. 322.
- ¹²³ SAG 13. Bl. 322.
- ¹²⁴ TAB FK 2259.
- ¹²⁵ KAB MOOC 6/9/360 Verw. 190.
- ¹²⁶ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 538/711.
- ¹²⁷ Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 538/711.
- ¹²⁸ Genealogiese Genootskap van Suid-Afrika. Noord-Transvaaltak. 2004. *Van Wyk/Wyck*. Eerste uitgawe.
- ¹²⁹ Genealogiese Genootskap van Suid-Afrika. Noord-Transvaaltak. 2004. *Van Wyk/Wyck*.
- ¹³⁰ TAB FK 2262.
- ¹³¹ KAB MOOC 6/9/2730 Verw. 6634.
- ¹³² Van der Walt A. J. en Van der Walt C. M. 1998. *Stamregister van die Familie Van der Walt: Geskiedenis en Genealogie 1727 tot 1998*. Bl. 538/711.
- ¹³³ KAB MOOC 13/1/802 Verw. 10.
- ¹³⁴ KAB MOOC 6/9/2730 Verw. 6634.
- ¹³⁵ KAB MOOC 13/1/241 Verw. 58.
- ¹³⁶ KAB MOOC 7/1/294 Verw. 30 en 31.
- ¹³⁷ KAB MOOC 13/1/802 Verw. 10.
- ¹³⁸ KAB MOOC 7/1/361 Verw. 65.
- ¹³⁹ KAB MOOC 6/9/2730 Verw. 6634.